

御意不快之間、雖不許容、御祈押而申間、密々仰祭料等遣了、

〔台記〕久壽二年四月四日庚辰、入夜高陽院○藤原藏人通定來曰、依御惱今夜被修冥道、供可令可

然之儒者作獻祭文者、申可取御願趣之由、被仰曰、今年重厄○泰子嘉保二年生、今年當六十一歲、而不食及七十日、

非無所畏、所願者增長壽命、久修善根者、即仰大內記遠明令作獻之、

泰山府君祭

〔伊呂波字類抄諸太〕泰山府君祭一名七獻

〔下學集上〕泰山府君本地地藏菩薩也、在天云

〔貞丈雜記十六〕一泰山府君は、陰陽師の方にて祭る神也、日本ノ神ニ

〔梅花無盡藏四〕福祿壽贊

在彼蒼則稱太山府君、出厚地則名福祿壽星、趙宋聖明之時、現形命畫工圖其體矣、吁偉哉、以二十

八言賦之云、

一星千百億分身 瓢樣頭長髮帶春 壽命經脩杜羅是 尙添福祿祝塵々

〔朝野群載三〕謹上 泰山府君

日本國從四位上行右中辨兼備中介藤原朝臣顯隆年四十五

本命庚戌 行年庚戌

右某謹啓、泰山府君冥道諸神等、夫信至高者、天神憐之、慎至深者、地祇護之、某官帶右司郎中、位昇大

中大夫、是則躋天踰地、仰神敬祇之故也、重祈冥應、更備清奠、聊薦黍稷之味、以望明德之馨、伏乞加級

如思、昇進任意、踏蘭臺而舉秋月、步槐路而棲青雲、彼趙氏之延竿、誠是天應、此魯性之祈思、盍成地望、

息災延命、一家有福、謹啓、

永久二年○甲午十一月廿三日

從四位上行右中辨藤原朝臣

〔本朝續文粹十一〕謹上泰山府君都狀